



Broj: 05-1821-6/20
Sarajevo, 15.06.2020. godine

Na osnovu člana 23. stav (1) tačka d) Zakona o Agenciji za bankarstvo Federacije BiH („Službene novine FBiH“, broj: 75/17), člana 16. stav 1) tačka j) Statuta Agencije za bankarstvo Federacije BiH („Službene novine FBiH“, broj: 3/18), članova 64. stav (1) tačka b) i 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), a na osnovu preporuka komisije za nabavke iz Zapisnika o pregledu i ocjeni ponuda, broj: 05-1821-5/20 od 26.05.2020. godine i 05-1821-5-1/20 od 15.06.2020. godine, direktor Agencije za bankarstvo Federacije BiH donio je

ODLUKU

o izboru najpovoljnijeg ponuđača u postupku nabavke usluga održavanja motornih vozila – lotovi 1 i 2

I.

Prihvataju se preporuke Komisije za javne nabavke iz Zapisnika o pregledu i ocjeni ponuda, broj: 05-1821-5/20 od 26.05.2020. godine i 05-1821-5-1/20 od 15.06.2020 godine i okvirni sporazum za nabavku usluga održavanja službenih vozila Agencije za bankarstvo Federacije BiH, za lotove 1 i 2, dodjeljuje se privrednom društvu „M.R.M. export-import“ d.o.o. Ljubuški kao najpovoljnijem ponuđaču u predmetnom javne postupku nabavke.

II.

Ukupna vrijednost okvirnog sporazuma iz tačke I. ove odluke, bez uračunatog poreza na dodanu vrijednost (PDV-a), utvrđuje se po lotovima u iznosima kako slijedi: **lot 1:** 20.000,00 KM i **lot 2:** 8.000,00 KM.

III.

Po okončanju roka za žalbu, ugovorni organ će s izabranim ponuđačem zaključiti okvirni sporazum, na period od jedne godine, kojim će regulisati međusobna prava i obaveze.

IV.

Ova Odluka bit će objavljena na internetskoj stranici Agencije za bankarstvo Federacije BiH www.fba.ba, istovremeno sa upućivanjem iste ponuđačima koji su sudjelovali u postupku javne nabavke, u skladu s članom 70. stav (6) Zakona o javnim nabavkama.

V.

Za izvršenje ove odluke zadužuje se Odjel za opće i kadrovske poslove pri Sektoru zajedničkih funkcija.

VI.

Ova odluka stupa na snagu danom donošenja.

O b r a z l o ž e n j e

Odlukom o pokretanju postupka javne nabavke broj: 05-1821/20 od 08.05.2020. godine, odobreno je provođenje postupka javne nabavke usluga održavanja službenih vozila Agencije za bankarstvo Federacije BiH. Javna nabavka provedena je putem konkurentskog zahtjeva za dostavu ponuda, a kao kriterij za izbor najpovoljnije ponude odabrana je najniža cijena tehnički zadovoljavajuće ponude.

U skladu sa članom 35. Zakona o javnim nabavkama, Obavještenje o nabavci broj: 3010-7-2-126/20 objavljeno je na portalu javnih nabavki (ejn.gov.ba) 11.05.2020. godine, uz istovremeno upućivanje poziva za dostavu ponude na adresu trojice potencijalnih ponuđača.

Predmetna nabavka podijeljena je na dva lota, s procijenjenim vrijednostima – bez poreza na dodanu vrijednost (PDV): **lot 1** - 20.000,00 KM i **lot 2** – 8.000,00 KM.

Komisija nadležna za provođenje ovog postupka utvrdila je da su ponude po ovom predmetu nabavke dostavili ponuđači: za **lot 1**: “M.R.M. export-import” d.o.o. Ljubuški, a za **lot 2**: “M.R.M. export-import” d.o.o. Ljubuški, “Autodelta” d.o.o. Sarajevo i “Saradis” d.o.o. Vogošća.

Na osnovu izvršene analize i ocjene pristiglih ponuda u pogledu utvrđivanja njihove prihvatljivosti u odnosu na kvalifikacijske uslove utvrđene u tenderskoj dokumentaciji, u dijelu postupka koji se odnosi na **lot 1**, komisija je utvrdila:

- da ponuda ponuđača “M.R.M. export-import” d.o.o. Ljubuški, kao jedina prispijela ponuda u ovom dijelu predmetne nabavke, ispunjava sve uslove i zahtjeve iz tenderske dokumentacije, pa je ista ocijenjena kao prihvatljiva, koja može biti predmetom daljnjeg vrednovanja;

U dijelu postupka koji se odnosi na **lot 2**, komisija je utvrdila da su ponude:

- ponuđača “M.R.M. export-import” d.o.o. Ljubuški i “Autodelta” d.o.o. Sarajevo prihvatljive s obzirom na to da u cijelosti ispunjavaju zadane uslove i tehničke zahtjeve postavljene u tenderskoj dokumentaciji, a da se
- ponuda ponuđača “Saradis” d.o.o. Vogošća, odbacuje kao neprihvatljiva, zbog neispunjavanja minimalnih uslove za kvalifikaciju ponuđača s obzirom na to da ponuđač nije zadovoljio uslove za kvalifikaciju zadane u poglavlju 3. - Uslovi za kvalifikaciju ponuđača, tražene u tačkama 3.3. - Ekonomska i finansijska sposobnost – član 47. Zakona i 3.5. - Tehnička i profesionalna sposobnost ponuđača – član 50. Zakona.

Nakon odabira prihvatljivih ponuda, u dijelu postupka koji se odnosi na **lot 2**, ponuđači „M.R.M. export-import“ d.o.o. Ljubuški i „Autodelta“ d.o.o. Sarajevo, kao kvalifikovani ponuđači, pozvani su da sudjeluju u e-Aukciji na Portalu javnih nabavki, koju je zakazala komisija, shodno članu 4. Pravilnika o uslovima i načinu korištenja e-Aukcije („Službeni glasnik BiH“, broj: 66/16). U toku održavanja zakazane e-Aukcije ponuđači su aktivno sudjelovali, odnosno podnosili nove vrijednosti ponude, pa se rangiranje ponuda nakon provedene e-Aukcije daje u narednoj tabeli:

Redni broj	Ponuđač	Ukupna cijena, bez PDV-a
1.	M.R.M. export-import d.o.o. Ljubuški	10.180,00 KM
2.	Autodelta d.o.o. Sarajevo	10.200,00 KM

Na osnovu svega navedenog, primjenjujući zadani kriterij najniže cijene tehnički prihvatljive ponude, saglasno članu 8. stav (2) tačka c) Pravilnika o uspostavljanju i radu komisije za nabavke, komisija je dala preporuke da se ponuđaču „M.R.M. export-import“ d.o.o. Ljubuški dodijeli okvirni sporazum za oba lota - 1 i 2., kao najuspješnijem ponuđaču u predmetnom postupku javne nabavke.

Uvažavajući sve navedeno, primjenom članova 64. stav (1) tačka b) i 70. stavovi (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu.



Pouka o pravnom lijeku:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članu 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.


DIREKTOR
Jasmin Mahmuzić

Dostaviti:

- svim učesnicima u postupku
- a.a.

